

**ՊԱՇՏՈՆԻ ՆԿԱՐԱԳԻՐ**  
**ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵԻ**  
**ԹՈՒՉՔԱՅԻՆ ՊԻՏԱՆԻՈՒԹՅԱՆ ՎԱՐՉՈՒԹՅԱՆ ՊԵՏԻ ՏԵՂԱԿԱԼ**

**1. Ընդհանուր դրույթներ**

**1.1. Պաշտոնի անվանումը, ծածկագիրը**

Քաղաքացիական ավիացիայի կոմիտեի (այսուհետ՝ Կոմիտե) թռիչքային պիտանիության վարչության (այսուհետ՝ Վարչություն) պետի տեղակալ (ծածկագիրը՝ 22-4-ՔԱԿ-23.1-2):

**1.2. Ենթակա և հաշվետու է**

Վարչության պետի տեղակալն անմիջական ենթակա և հաշվետու է Վարչության պետին:

**1.3. Ենթակա և հաշվետու պաշտոններ**

Վարչության պետի տեղակալն ենթակա աշխատողներ չունի:

**1.4. Փոխարինող պաշտոնի կամ պաշտոնների անվանումները**

Վարչության պետի տեղակալի բացակայության դեպքում նրան փոխարինում է Վարչության գլխավոր մասնագետ-տեսուչներից մեկը:

**1.5. Աշխատավայրը**

Հայաստան, ք.Երևան, Աջափնյակ վարչական շրջան, «Զվարթնոց» օդանավակայան:

**1. Պաշտոնի բնութագիրը**

**(Աշխատանքի բնույթը, իրավունքները, պարտականությունները)**

**2.1. Աշխատանքի բնույթը՝**

1. համակարգում է ՀՀ ազգային պատկանելություն ունեցող օդանավի թռիչքային պիտանիության, ինչպես նաև թռիչքային անվտանգության տեսակետից կարևոր համարվող օդանավի պահեստամասերի, հարմարանքների և սարքավորումների ուսումնասիրությունները և ստուգումները.

2. համակարգում է ՀՀ օդանավերի գրանցումը, ռեգիստրի վարումը, օդանավերի ապագրանցումը և դրա հետ կապված անհրաժեշտ փաստաթղթերի ձևակերպումը.

3. համակարգում է ՀՀ օդանավերի գրանցման, թռիչքային պիտանիության, աղմուկի սերտիֆիկատների, ռադիոկայանի վկայականի տրման, թռիչքի թույլտվության հատկացման և դրանց հետ կապված անհրաժեշտ աշխատանքների և փաստաթղթերի ձևակերպման աշխատանքները.

4. համակարգում է ՀՀ ազգային պատկանելություն ունեցող օդանավի թռիչքային պիտանիության, ինչպես նաև թռիչքային անվտանգության տեսակետից կարևոր համարվող օդանավի պահեստամասերի, հարմարանքների և սարքավորումների ուսումնասիրությունները և ստուգումները.

5. համակարգում է ՀՀ օդանավերի գրանցման, թռիչքային պիտանիության, աղմուկի սերտիֆիկատների, ռադիոկայանի վկայականի տրման, թռիչքի թույլտվության հատկացման

և դրանց հետ կապված անհրաժեշտ աշխատանքների և փաստաթղթերի ձևակերպման գործառույթները.

6. համակարգում է ՀՀ օդանավ շահագործողների և տեխնիկական սպասարկման կամ վերանորոգման կազմակերպությունների կողմից օդանավերի տեխնիկական սպասարկման և թռիչքային պիտանիության պահպանման աշխատանքների վերաբերյալ սահմանված նորմերի պահանջների կատարման հսկողությունը.

7. համակարգում է ՀՀ օդանավ շահագործողների տեխնիկական սպասարկման, տեխնիկական սպասարկման և վերանորոգման կազմակերպությունների ու գծային կայանների սերտիֆիկացումը և դրա հետ կապված անհրաժեշտ փաստաթղթերի ձևակերպումը.

8. ՀՀ տարածքում օդանավերի կամ ՀՀ տարածքից դուրս ՀՀ շահագործողների կողմից շահագործվող օդանավերի և/կամ ՀՀ գրանցված քաղաքացիական օդանավերի հետ տեղի ունեցած ավիացիոն պատահարների կամ միջադեպերի դեպքում, համակարգում է առաջնահերթ անհրաժեշտ գործողությունների իրականացումը մինչև համապատասխան հանձնաժողով ստեղծելը.

9. համակարգում է օդանավերի հետ տեղի ունեցած ավիացիոն պատահարների և միջադեպերի հաշվառման կատարումը.

10. համակարգում է ՀՀ տարածքի օդանավակայաններ ժամանած օտարերկրյա քաղաքացիական օդանավերի ստուգումներ՝ համաձայն Եվրոպական Միության Թռիչքների Անվտանգության Գործակալության (EASA) կողմից սահմանված չափանիշերի և հաստատված ժամանակացույցների.

11. համակարգում է թռիչքային պիտանիության պահպանման կառավարման, օդանավերի տեխնիկական սպասարկման կազմակերպությունների և ՀՀ օդանավերի պետական ռեգիստրում գրանցված օդանավերի ստուգումների և ուսումնասիրությունների գործընթացը.

12. համակարգում է Վարչության կողմից իրականացվող ՀՀ օդանավ շահագործողների, օդանավերի տեխնիկական սպասարկման կազմակերպությունների, օդանավերի տեխնիկական սպասարկում իրականացնող ինժեներատեխնիկական մասնագետների վկայականների տրման և տեխնիկական սպասարկման թույլտվություն շնորհելու գործընթացը.

13. համակարգում է Վարչության առջև դրված գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, այլ փաստաթղթերի նախապատրաստումը, ինչպես նաև դրանց վերաբերյալ մեթոդական պարզաբանումների և ուղեցույցների մշակումը.

14. համակարգում է Վարչության կողմից թռիչքային պիտանիության պահպանման կառավարման, օդանավերի տեխնիկական սպասարկման կազմակերպությունների և ՀՀ գրանցված օդանավերի տարեկան տեսչական ստուգումների և ուսումնասիրությունների ժամանակացույցների պլանավորումը.

15. համակարգում է Վարչության մարդկային ռեսուրսների հաշվարկների իրականացումը.

16. համակարգում է վարչության աշխատակիցների մասնագիտական վերապատրաստումների կարիքների գնահատման, մասնագիտական զարգացման ու կարիերայի աճի տարեկան ու հեռանկարային պլանների կազմումը և իրականացումը.

17. Վարչություն նոր ընդունված աշխատողների համար համակարգում է նախնական ուսուցման մասնագիտացում (Specialization) և աշխատավայրում ուսուցում (On-The-Job Training) փուլերի անցկացումը.

18. կարող է նաև վերապահվել օտարերկրյա օդանավերի անվտանգության գնահատման (SAFA) տեսուչի, SAFA ավագ տեսուչի կամ ազգային շահագործողների գծով SAFA համակարգողի պարտականությունների կատարումը.

19. համակարգում է թռիչքների անվտանգությանն առնչվող վտանգների հայտնաբերման, ռիսկերի գնահատման, թռիչքների անվտանգությանն առնչվող տվյալների հավաքագրման և վերլուծության գործընթացների իրականացումը.

20. համակարգում է թռիչքային պիտանիության մասով թռիչքների անվտանգության ազգային պլանի (National Aviation Safety Plan) տարեկան կտրվածքով վերանայումը.

21. համակարգում է թռիչքների անվտանգությանը վերաբերող ռիսկերի, հիմնական բնութագրերի ցուցիչների (Key Performance Indicators), թռիչքների անվտանգության ապահովման արդյունավետության ընդհանուր ցուցիչների, թռիչքների անվտանգության բնութագրերի ցուցիչների (Safety Performance Indicators) վերհանումը և սահմանվածից շեղման միտումների վերահսկումը.

22. համակարգում է ավիացիոն իրադարձությունների և միջադեպերի զեկույցների գնահատման, վերլուծության, քննության անցկացման, դասակարգման ու վերջնական զեկույցի պատրաստման գործընթացների իրականացումը՝ թռիչքային պիտանիության մասով.

23. համակարգում է թռիչքների անվտանգության ընդունելի մակարդակի (Acceptable Level of Safety) սահմանման գործընթացը:

**Կոմպետենցիա պահանջող գործառույթները կիրառելի են համապատասխան կոմպետենցիան հավաստող փաստաթղթի առկայության դեպքում:**

## **2.2. Իրավունքները՝**

- Վարչության խնդիրների և գործառույթների իրականացման ժամանակ համագործակցել Կոմիտեի կառուցվածքային ստորաբաժանումների ղեկավարների և աշխատակիցների հետ.
- հսկել ՀՀ օդանավ շահագործողների, տեխնիկական սպասարկման կամ վերանորոգման կազմակերպությունների կողմից օդանավերի տեխնիկական սպասարկման և թռիչքային պիտանիության պահպանման աշխատանքների վերաբերյալ սահմանված նորմերի պահանջների կատարումը.
- ուսումնասիրությունների և տեսչական ստուգումների արդյունքում հայտնաբերված թերությունների վերացման վերաբերյալ տալ համապատասխան ցուցումներ և պահանջել ձեռնարկել թերությունները վերացնելուն ուղղված համապատասխան գործողություններ.
- սահմանված կարգով կասեցնել քաղաքացիական օդանավերի շահագործումը՝ թռիչքների անվտանգությանը և թռիչքային պիտանիությանը անմիջական սպառնացող թերությունների բացահայտման դեպքում.
- անարգել մուտք գործել ՀՀ օդանավակայանների վերահսկելի և հատուկ վերահսկելի գոտիներ, գտնվել օդանավում, այդ թվում՝ թռիչքի ընթացքում.
- վերահսկել Վարչության կողմից իրականացվող ՀՀ օդանավ շահագործողների, օդանավերի տեխնիկական սպասարկման կազմակերպությունների օդանավերի տեխնիկական սպասարկում իրականացնող ինժեներատեխնիկական մասնագետների վկայականների տրման և տեխնիկական սպասարկման թույլտվություն շնորհելու գործընթացը.
- այլ մարմիններից, պաշտոնատար անձանցից ստանալ Վարչության առջև դրված գործառույթների և խնդիրների իրականացման հետ կապված անհրաժեշտ տեղեկատվություն ու նյութեր.
- Վարչության լիազորությունների շրջանակներում նախապատրաստել առաջարկություններ, տեղեկանքներ, հաշվետվություններ, միջնորդագրեր, զեկույցագրեր և այլ գրություններ:

## **2.3. Պարտականությունները՝**

- հսկողություն սահմանել ՀՀ օդանավ շահագործողների և տեխնիկական սպասարկման կամ վերանորոգման կազմակերպությունների կողմից օդանավերի տեխնիկական սպասարկման և թռիչքային պիտանիության պահպանման աշխատանքների վրա՝ սահմանված նորմերի պահանջների կատարմամբ.
- ձևակերպել ՀՀ օդանավ շահագործողների տեխնիկական սպասարկման, տեխնիկական սպասարկման և վերանորոգման կազմակերպությունների ու գծային կայանների սերտիֆիկացման հետ կապված անհրաժեշտ փաստաթղթերը.
- կատարել ՀՀ տարածքի օդանավակայաններ ժամանած օտարերկրյա օդանավերի ստուգումներ՝ համաձայն Եվրոպական Միության Թռիչքների Անվտանգության Գործակալության (EASA) կողմից սահմանված չափանիշների.
- մշակել Վարչության խնդիրներին և գործառույթներին վերաբերող կարգեր ու նորմատիվային փաստաթղթեր.
- ուսումնասիրությունների և տեսչական ստուգումների արդյունքում հայտնաբերված թերությունների վերացման վերաբերյալ տալ համապատասխան ցուցումներ և պահանջել ձեռնարկել թերությունները վերացնելուն ուղղված համապատասխան գործողություններ.
- մասնակցել Վարչության աշխատակիցների պաշտոնեական հրահանգների մշակմանը.
- վերահսկել Վարչության կողմից իրականացվող ՀՀ օդանավ շահագործողների, օդանավերի տեխնիկական սպասարկման կազմակերպությունների օդանավերի տեխնիկական սպասարկում իրականացնող ինժեներատեխնիկական մասնագետների տեխնիկական սպասարկման թույլտվություն շնորհելու գործընթացը:

## **1. Պաշտոնին ներկայացվող պահանջները**

### **3.1. Կրթություն, որակավորման աստիճանը**

- բարձրագույն ավիացիոն կամ տեխնիկական կրթություն.
- ունի օդանավերի տեխնիկական սպասարկման ավիացիոն մասնագետի գործող վկայական (բացառիկ դեպքերում օդանավի տեխնիկական սպասարկման ավիացիոն մասնագետի գործող վկայականը պարտադիր չէ, եթե ավիացիոն մասնագետը ունի օդանավի տիպի ուսուցման վկայական):

### **3.2. Մասնագիտական գիտելիքները**

- 1) ունի իր լիազորությունների հետ կապված անհրաժեշտ իրավական ակտերի իմացություն, ինչպես նաև տրամաբանելու, տարբեր իրավիճակներում կողմնորոշվելու ունակություն.
- 2) տիրապետում է թռիչքային պիտանիությանը վերաբերող անհրաժեշտ տեղեկատվությանը.
- 3) անգլերեն լեզվի իմացություն, որը թույլ կտա աշխատել Քաղաքացիական ավիացիայի միջազգային կազմակերպության (ICAO) և այլ միջազգային ավիացիոն կազմակերպությունների փաստաթղթերի և տեխնիկական գրականության հետ.
- 4) ունի համակարգչով և ժամանակակից այլ տեխնիկական միջոցներով աշխատելու ունակություն:

### **3.3. Աշխատանքային ստաժը, աշխատանքի բնագավառում փորձը**

Առնվազն երեք տարվա մասնագիտական աշխատանքային ստաժ կամ Վարչության գլխավոր մասնագետ-տեսուչի պաշտոնում առնվազն երկու տարվա աշխատանքային ստաժ: